



豫章遊稿

雲間吳懋謙六益氏著

西昌蕭伯升孟昉氏校

五言律

同江右王燮臣懋白衣菴

中年雅好道暫憇朗公家竹閣數峰出菱塘一燕斜
白肥天目笋紅綻石榴花自是傳燈地踈林亂晚鴉
艤舟閩門重過怡老園不遇忘菴諸昆弟

青靄搖城堞高堂做薜蘿故人何處去野客復經過
竹到今年盛花方前度多後園風日好騁望意如何
經瓜步

驛路眺晴空江懸破浪風歸雲京口白落日海門紅
萬峽蒼茫外孤帆杳靄中長征悲物候客思正無窮

其二

自此長途遠何時萬里還潮聲連鐵甕雲氣鎖金山
檣月窺人下波鷗逐浪間滔滔金古異流恨滿江關

泊儀真

客况深林晚徐行望轉長野童爭刈麥村女半收桑
兩髻侵江色千檣亂月光無端吟嘯處回首意茫茫

楊子道中

雷雨晚冥冥扁舟艤驛亭浮磯沉遠樹疾浪滾踈星
烏閣風聲苦龍潭水氣腥羈心不可問鴻鴈滿沙汀

燕子磯

天高分象緯地迥接滄溟層閣雲光白空江石氣青

林深聞鼓角風急正揚舲感慨無窮意飛鴻入杳冥
浦口

五月南州路迢遙天際看青蘿孤艇入小雨夾衣寒
柳葉鶯聲細桐花客思殘不堪愁故國清夢繞江干

上清河

孤舟倚暮天荻岸澹荒烟村酒有數盞客囊無一錢
晴花端節後衰鬢夜燈前飄泊依劉日狂歌益惘然

潦倒

潦倒行吟客踟躕起暮陰片帆高柳外細雨大江深
玉笛孤征意羅衣遠別心野花開滿地那不淚沾襟

懷施兵憲愚山

末世幾知已論交不可期那堪千里道况值六年思
山色當杯落江光逐鳥遲到時應念我飄泊鬢如絲

其二

日沒鳥雙度北風帆正開彭湖濤乍下匡嶽雨初來
夢落此宵月思登何處臺故人情不淺談笑有餘杯

其三

賴有平生友毋忘慷慨言濁醪燒短燭白髮向黃昏
沙場背人立竹鷄隔塢喧只因情繾綣不復畏消魂
其四

不作寒溫語相思倍較親好花偏入幔紫燕每依人
染翰清秋麗揮絃明月新百壺侵坐客慷慨一逡巡

采石山

雙燕磯邊起蕭蕭急遠征騎鯨仍汗漫擒虎亦縱橫

山暝日初下松深風驟鳴舊京原鎖鑰懷古倍含情

三山磯

此地半蒿萊人家傍水隈長風驅白袷細雨作黃梅
鵝鴨柳陰下兒童山曲回野香花自發無奈榜人催
懷陸予敬徐禎起

別久何時會思君舊草堂溪流菱雨亂欄戶竹風涼
短髮才華徙孤樽老態狂故人垂釣處落月莫相忘

泊舊繁昌

何處高臺望山山斷夕曛江空一片月帆落萬重雲
賣酒沿溪住鳴鉦隔岸聞北風向夕起鄉思感離羣

其二

幽亭到可探水木靜相涵北渚牙檣集西山夕炤含
沙鷗飛婉孌蓬燕語呢喃野趣真蕭散村沽酒亦甘

版子磯

金碧何年寺丹梯結小峰磯當四面水門擁萬株松
洗鉢朝看鳥分齋午聽鐘禪房真寂寂曳杖擬相從

荻港

褊性宜丘壑生涯恣遠遊萬峰沉雨足獨舸傍江頭
鐘斷泉聲細鴉歸殘照幽欲題多勝賞得逕且淹留
夾口懷張忍齋沈繹堂

夾口長天望扁舟倚荻蘆暮濤平岸長野鶴入雲孤
舊雨勞魂夢晴山落座隅出門徒草草念爾不能無

紫沙洲

夾岸蒹葭色波濤不肯平客憐今夜醉月向此時明

辛苦還家夢艱危去國情石尤風莫妬且起促行程
夏夜有感

去住渾難定淒涼入夜真烏啼不寐客漏促遠行人
家剩青氈舊燈明白髮新風塵滿天地何處一沾巾

其二

一身輕襖被兩髯混漁樵老至驅饑累家貧作客遙
到心猿淚落垂首燭花消古驛增長慨聞鷄夜寂寥
舟抵銅陵卽事

地迥陰蘆亂山深宿霧賒篷帷搖午夢書劍客天涯
黃犢半犁雨丹樓一樹花荒城人寂寂臨眺獨咨嗟

安慶惜別

惜別動經年驅馳五月天隔溪青鳥沒當檻石榴鮮
短燭三更雨殘書萬頃煙黃公真我友容得酒鑪邊

路灌溝

祇覺端陽後林花到處稀桑陰雙犢健柘塢百勞飛
老畏風波久貧知性命微羈心萬端集此去向誰依

法華寶齋漫興

悠然見平楚河漢生微涼竹塢少塵色秋鐙懸夜光
寺中親藥裹病後廢文章老至增遙慨啼鳥黯自傷

其二

野寺木微脫章江秋欲生無端愁病裏不盡客心驚
落落青簾短蕭蕭白髮明莎雞啼暑急雨後曉雲平

簡宣城沈治先

病後愁無那爲君一破顏午鳩官署寂秋雨豆花斑

小醉臨新月微吟見遠山入林堪把臂相對意俱閒

簡山陰張荀仲

信宿有餘興相逢月滿廬那知兄弟好只在酒盃初
客倦依人久秋高衆木疎愛君詩律健寤寐一躊躇

鐵佛寺雜詩六首

頗愛無人境祇林澹野煙空潭香藹藹細竹月娟娟
心靜秋長好鐘鳴寺寂然坐來欣有得何用學逃禪

其二

獨客向清夜蕭條思故園漏聲欹枕盡秋氣入簾繁
老覺浮生拙閒知吾道存疎星深樹裏黯黯欲消魂

其三

微暑辭高樹臨溪受好風鐵蕉垂露碧枸杞待霜紅
磊落人情外虛空佛法中乾坤真浪跡不必怨飄蓬

其四

臥起小堂晚悠哉一徑斜鄉心慵縱酒老眼細看花
驟雨沉秋潦殘陽落殿鴉無勞問名姓蕭寺卽爲家

其五

半月深扉掩花蹊只老僧養生秋後藥乞火佛前燈
家遠書難寄途遙夢或憑亂山秋葉下回首白雲層

其六

石氣蟲初語風清松乍吟如何秋月色偏向旅人深
白髮銷塵世青山養道心莫嫌土俗異此地愜幽尋

中秋前一日對月

獨坐秋無賴西風吹寂寥千山江口雁八月海門潮

哀角沉遙夜清輝濯絳霄年年好佳節頻逐旅魂消
其二

蕭寺淹杯酌深林月杳冥磬聲寒玉露簾影簇秋星
白髮催時序清砧急短亭倚欄看落木天地亦飄零
中秋微雨飲愚山少叅就亭

小飲不辭醉中秋奈雨何清輝沉浩渺繁吹沒星河
髮白吾衰早詩才爾最多故園有叢桂遙望隔煙波
送新安洪宅周

吾子新安俊風流總不羣乍交原磊落惜別更慙勤
一棹黃山雨三秋白嶽雲動余游興劇猿鶴可相聞

送別吳門程信若

君本神仙骨栖遲虎阜中鳥啼臨劍水花落坐生公
意氣憑樽酒行藏托冥鴻草堂多隙地種竹莫教空
與天寧寺一範上人

嗟余衰鬢客羨爾白雲心寺勒天寧碣人傳支遁林
桂花三徑遠秋雨一江深經月雙扉掩時時得共吟

贈王學憲印周

茸城臨別日折贈柳條陰重憶故人語難忘遊子心
秋山明月淨夜雨絳帷深跋涉欣相見新詩倘許吟

其二

閣最勝王重碑因徐孺題文章歸大雅夫子自關西
把酒彭湖小揮毫匡嶺低江州名勝地到處得攀躋

其三

三年懷舊好八月度湖濱山翠迎秋落江花泫露新

孤燈紅葉寺旅病白頭人羨爾飛騰客猶能念隱淪

秋日同朱霜劬王曉山顧來玉堵子威集旅舍

信步游何處開樽集此亭斜陽人鬪草小斫燕梳翎
柳色南園綠山光北岸青歸驂何所羨蒲艾滿前汀
臨江別施愚山握手相送詩以謝之

冉冉復行役天涯且浪遊渡頭人惜別分手客扁舟
落日大江夜歸雲古木秋何時重會白煙樹倍離愁

饒州喜昭程瞻菴

子玉遊和 卷之二
十一 梅花書屋
憶自金臺別蒼茫道路長
離心已五載握手近重陽
隔澗孤蔣亂晴村橘柚香
玲瓏新月好此去莫相忘

康山道中田家

雨荒籬落敗晴久葉聲乾
一逕雁南下孤村人語闌
篝燈秋作苦霜杵月光寒
寂寂聞幽籟門前過急湍

東湖訪李啓菴隱居

秋風吹北牖湖水淡南園
慚匪高車過欣聞長者言
片雲從座起一逕入花繁
合是愚公谷芝山遙在門

康山道中逢故友雲巖老人自粵歸

依人計終左涉世道全非
翻想他年別欣逢今日歸
鳴金催晚渡落葉點征衣
君到蓴羹美遲余坐釣磯

鄱陽懷黃岡王山長

落月起遐思青天聞暮鐘
我登東湖閣日眺西陵峰
人老詩偏細才高世莫容
當年持贈者石上一株松

乙未都門山長
圖一株松相贈

鄱陽懷張帶三時帶三遊潮州

以我苦行役思君猶未歸花明頻縱酒露冷暗沾衣
山險舟難渡天長鳥倦飛客星在南粵耿耿信音違

其二

同作西南客君程較更多鱣溪魚徙壑鳳水月揚波
故國橫江雁炎荒據地歌天空一萬里愁望渺煙蘿
丘慎清劉潤山陳伯璣李維饒飲寓中對月

秋暮月初好深更炤短垣萬家城郭影千里故人樽
野竹凄寒色黃花點素痕悠然分檻坐相對欲忘言

野寺久羈將發南昌

片雲歸浦北獨客在江西晴日雙蓬髯青天一杖藜
菊花孤寺放秋鳥晚山啼明發南州去煙波繞大堤

玄天宮

山館仙源晚踈林步屨長好花山月上清磬竹牕涼
玉洞流泉細丹樓檻藥香浮丘倘可過我意白雲鄉
南安司理劉潤山別九載一時見面相得甚歡
併道得子喜而賦此

九載忽相見悲歌向夕陰青雲爭入座白髮共驚心
傲吏惟長嘯懷人但苦吟天涯渾是夢惆悵意俱深

其二

斗酒不辭酌殘年逢故人雁聲當檻落霜氣入簾新
宦况貧偏守交情老更親且聞君有子天上石麒麟

懷沂州王宜兄同潤山

寒鐙孤客晚歲晏渺離羣樹裏江鴻斷天邊霜雪分
十年吳下夢千里艾山雲握手劉公幹南州共憶君

冬日微雪潤山限韻

無端客異鄉旭影動寒光細雪垂簾幕輕冰散野塘
半年衰我髮萬事感人腸何日聯鑣去西山度石梁
寄題臨沂劉禹震先生芝芝館

先生築室處門閉白雲間衆鳥自閒散孤筇獨往還
捲簾臨涑水把酒看東山興至思羊仲高風不可攀

其二

隔水徑還折臨軒山更幽樽前青玉案花底木蘭舟

野竹穿雲細寒泉觸石流蓬萊何必問此地卽滄洲

其三

桐葉風亭秀靈芝石砌鮮喜逢花信早坐愛晚堂前
紅燭彈碁夜清秋放鶴天謝家瓊樹好七十是神仙
登金嶺憩栖霞小菴

仄徑亂山風捫蘿曲自通臺高丹壑外人隱白雲中
拂塵一潭淨譚玄萬慮空勞勞塵土夢慚愧葛仙翁
與栖霞鍊士談話

訪道問方平登臨此日情金函藏簡在玉井暗香生
落木空山靜聞雲野鶴鳴不知天地外草木有餘清
同潤山別丁鍊士下山

賓客共言歸開樽欵道扉山田菰米熟竹逕嶺煙微
細雪荒村裊刑官吏事稀吾儕今日意只看白雲飛
周憲副伯衡春雨韻

世情聊可見客意竟如何暖色迎人少春花入夢多
野雲寒抱雨江水晚生波孤館羈心切嘹嘹一雁過

和憲副春晴韵

東風花榭暖春鳥草堂鳴鄉淚一時盡孤帆千里輕
曉山晴樹迴落日大江平不斷靡蕪色萋萋遊子情
憶故園讀書處

溪流通小徑扃戶老潛夫平靄鳥千樹踈鐘月半湖
米因輸稅少錢爲買花無盡室靡長物惟餘酒一壺

其二

曠似柴桑里幽同水竹居編籬常護鴨飼草欲肥魚

屢讀高僧傳頻抄種樹書脩狀余願足初日上牕虛

其三

祇可逐風湍惟應把釣竿山泉滄茗細土銼煮薇寒
槿柵猿知守松門鶴耐看空潭今夜月猶炤鹿皮冠

其四

萬物各知息吾生有一廬身啼從雨後客醉及花初
山色憑軒落鐘聲入夢虛餐霞未可學春至摘畦蔬

其五

身賤詩偏得心閒道未賒雉翻堤畔草鶯轉野田花
舊塢三春雨新畦五色瓜蕭蕭叢竹裏補葺好還家

其六

河流天際合二月草堂過霧重山腰鎖人歸渡口多
約隣宵買畚牽犢晚披簑有客攜琴到相期對薜蘿

其七

晚食知余懶乘閒聽鳥喧九山雙短髯十口一荒村
澗柳柔含吹江梅巧傍門亂煙孤望裏春月夜昏昏

其八

靄靄明溪外山山插霧中天低陂柳碧雨後野桃紅
躡屐探新笋彈碁曝小蟲滄浪萬頃急踪跡混漁翁
泊舟生米潭和潤山韵

蒼茫馳襪被率爾渡滄洲遠岸垂楊合平江翠靄流
春雲雙旅髯明月一孤舟嶺表何時到鄉關思不休

憶張逢伯

先我雙江去晴帆不共開山雲朝復暮鷗鳥去還來

日氣浮纖草歌聲怨落梅酒酣深念汝繫纜獨徘徊
飲江邊草亭

竟日孤亭坐彈琴藉草萊悠哉小山出相對白鷗來
細竹穿垣密桃花隔塢開直須高興發一飲盡餘杯

劍江

嶺樹千重合雙江一派連岸花明水榭汀鳥宿春煙
古渡斜陽下青山片雨懸阮公意踈濶沉醉酒罍邊

東湖作

嫋嫋秋風急微微江雁深茆亭一雨後紫翠萬山陰
瀟瀟藏衰菼欖櫚拂素琴嘯歌仍不廢異地有知音
春望江頭李花十里

十里長堤望蒼茫二月天濛濛花似霰袞袞白如煙
野店沽春酒山鷄咤客船自知人不識一醉任酣眠
其二

亂水紛紛白斜陽冉冉殘草深東郭履花暗竹皮冠
林鳥穿枝坐村姬帶笑看竟迷歸路遠細雨逐風湍

遊青原贈方大師

青原新霽後竟日此登臨
身語自來去山光見古今
夕陽攜杖外花雨閉門深
一得遠公笑庭空下積陰
同無可和尚劉潤山張逢伯賀石野吳舫翁觀
天玉山瀑布

十里籃輿度悠哉非世間
踈松下斜日瀑布響空山
藉草宜僧話看雲淡客顏
探奇凌絕壑興盡不知還
仰山峭石聽逢伯吹簫

何處飛來石嵯峨自不羣
削成多拔地空曲忽凌雲
峽束蒼煙細巖深乳竇分
簫聲能伴客縹緲落斜照
宿鷲嶺與斷臂上人

晚進伊蒲饌寒添老衲衣
春星懸樹杪明月下山扉
清楚定中出踈鐘雲外微
五更塵夢遠何日得皈依
丙午清明舟次十八灘有感

溪將蒹草綠山與杜鵑紅
不道清明候猶淹客路中
賽神分社酒祈穀走村童
回首難堪望飛鴻信未通

其二

何處啣錢燕都非故國聲五更雙淚落萬里一人行
觸石泉俱沸迎帆花亂明遙知兒女輩應已拜先塋

送孤松上人

吾師風雅士豈是尋常人夜雨禪燈靜秋山橘柚新
攜筇雙嶺月踏雪五湖濱折柳紛相贈白雲隨所親

與單藥園

聞說胥溪處衡門靜不諱張筵追北海開卷讀南華

身轉梧桐樹亭深木筆花相期過信宿二月到君家

其二

故人厭塵市小築辟疆園作賦新年夜逃名故國村
亂雲爭向座獨樹巧當門余亦幽栖者長歌不放樽

送穎先上人游浙

朝乘白雲去暮踏紫煙重遙指海門月晴看天目峰
絲毫能吐鳳飛錫可降龍送爾錢塘路春花到處逢

贈別王勤中

以余不得意念爾亦蕭然衰態長爲客浮生過幾年
塵簾青岫色傍檻綠蕉煙何日持雙耒同耕震澤田

其二

愛爾栖遲處虛堂絕市塵鶴語尋好客鷓鴣喜避時人
歲計徵求盡生涯花身親猶能學庾信句句字清新

其三

萬感來遙夜蕭森到葯房新秋一夜兩短燭兩人觴
佐茗蓮心苦登盤佛手香明朝風日好相約過橫塘

其四

悠然石室外率爾見秋星茉莉香侵袂凌霄花滿亭
數莖憐我白雙眼向誰青落木蕭蕭下蛩吟不耐聽

其五

來歲中州棹春風暖欲乘黃河憑遠眺嵩岳許同登
靑草迷征騎孤帆隱戍燈大梁逢沈約款曲有良朋

其六

遽爾又言別淒淒向北風支離片舸外慰藉一樽中

秋入蓬聲疾天高雁影空到時應有夢尺素倘相通
與王鼎中

新松二百紀舊業五千言進毋茅客飯攜賓阮籍樽
秋池鳧浴子春雨竹生孫招我堪銷夏題詩怡老園

其二

風流王子敬屐齒不曾閒黃葉樽前樹清秋雨後山
逢人詢濮上課僕到花間一片蒼蒼影輕舸載月還

夏日咏

晚坐孤亭上看雲長道心山光當戶落花氣隔簾深
青笋纔平閣黃鸝偶出林故園耕耨穩衰懶日沉吟

其二

病起了無事鋪糜坐夜闌一樽狂更甚十口計全難
野色侵衣袂蘿陰上釣竿西堂石榴樹雨過好頻看

其三

十年甘削跡此日興偏賒信步清幽契澄懷淡物華
遊絲低罨樹纖鳥曲穿花西望蒼茫裏蟬聲日未斜

其四

濩落才仍拙飛揚老不妨人吟都尉曲客訪戴公莊
菜甲半畦好蓮房一澗香有時同羽士乘興出滄浪

其五

吾年纔五十白髮忽盈梳小酌萬端盡孤踪五月初
松門原窈窕石壁自蕭疎抱甕前川汲生涯此灌蔬

其六

朝看白雲去晚眺細林峰末路誰知己相逢半老農

野燈明遠岸小寺落殘鐘倘許尋真訣仙源路自重

輓張冷石先生八首

忽聽先生逝靈光更不存乍驚如刺骨小間復銷魂
滄海明星墮空山霧樹昏只餘書萬卷珍重在兒孫

其二

晋代風流在襄陽耆舊無一官空白首萬事竟黃墟
宦跡留廬岳雄心付玉壺未須歌九辨蕭颯滿江湖

其三

老至憂危集衰頹肺病侵短章今日淚握別隔年心
墓草孤亭合秋風一夜深巫咸如可問吾道豈浮沉

其四

四壁原無著一瓢常宴如清燈法喜志白衲道人書
受月桐陰淨分雲竹影踈山陽何處笛烏咽薦園蔬

其五

揮手未云久儀型頓渺狀楞嚴裁舊註左傳作新編
余掛延陵劍誰題郭泰阡平生交誼重諧謔自忘年

其六

憶昔龍潭里頻呼小友來避人恒閉戶玩世且啣盃
好鳥鳴哀壑秋花隔夜臺生芻千里至俯仰一徘徊

其七

卜築西山麓息機高樹村沉淪中散駕蕭索孟嘗門
青眼雲千疊丹楓月一痕頭陀有葬石巧對給孤園

其八

向來仍磊落一去勿倉皇大地此生盡風塵歸路長

繁花開大夢，小雨作微涼。笙鶴空天外，毋勞泣數行。
北地王莘雲見訪

秋老蒹葭色，亭殘菡萏花。漫勞金埒馬，遠過野夫家。
白日來人少，青山背郭斜。慙言未盡一徑噪林鴉。
懷電白郭凌海

寂寂西村寺，相思晚磬沉。野堂孤燭夢，零雨異鄉心。
遠道應加飯，秋山入苦吟。一樽看身度，終日坐花陰。

懷馮介三

沉冥無限意，一徑隔人寰。白屋連風雨，青湍響珮環。
花搖簾影細，草映屐痕斑。萬籟方沉寂，哦詩終日閒。
訪陸予敬予載素園晚登南臺

暝色入林際，高城百雉懸。杏花朝帶雨，楊柳暮含煙。
水氣孤亭外，春光短髻前。故人能愛我，相與話纏綿。
與陸予敬

風雨十年別，吾生幾弟兄。桃花紅又綻，春滿闔閭城。
白日須耽酒，青山早避名。亦知吳處士，久矣學歸耕。

與陸子載

小陸才清健讀書隱故園曉潭魚影散春樹鳥聲喧
把酒花盈砌懷人月滿軒近來詩思好字字見開元

客中漫興

徙倚晴光落馳驅吾道存短衣淹白日佳節度黃昏
春盡花爭笑心閒鳥自喧萬山蒼翠裏憑眺一開樽

其二

逸興老逾甚生涯計未工半天溪柳碧一徑野雲紅

花散清明日鶯啼穀雨風南州有朋舊莫漫嘆飄蓬

喜施少叅愚山臨江書至

樓迴磬聲初松深客夢餘半簾吳地雨千里豫章書
病後人偏老愁來髮漸疎問余何所事依舊灌園蔬

其二

綠酒開三徑青山只數椽有時常自憫到老更飄然
籬種微君菊家荒季子田近來貪買棹欲釣五湖煙

其三

野色雙侵鬢嵐光獨掩關
夢迴玉澗水思落小廬山
曉露松花綠涼雲細竹斑
爲君重繼綫何日共追攀

其四

論交及四海風雅似君稀
磊落酬肝膽雲霄戀布衣
章山朱果落夏雨綠蕉肥
爲語孤鴻翼清秋遲爾歸

其五

笑我踈狂甚六年一字無
蓬頭焚筆硯瞪眼向江湖
野竹弄明月春鐙聽夜鳥
芙蓉將欲採逸興未全孤

其六

憶與張平子聯驪歷下城
故人留一飯殘漏及三更
霜落沉哀角鐙明簇巨觥
臨風相慰藉握別不勝情

其七

擬泛洪州舸論詩到謝公
旅情雙劍外秋色九江中
帆捲沿溪樹濤昏疊嶂風
宦貧難召客或者竟途窮

其八

君有三秋約余乘八月槎
且看臨朶戟何地不桑麻

詩百選和 卷之二
吟入新晴雁杯搖古署花相逢言未盡狂醉接離斜
懷鄒詩士六首

爾到茸城日我遊越嶺時六年稀見面一夕起相思
鴻鵠鳴高堞兼葭暗曲池中宵不成窹明月鑒襟期

其二

暮雨三吳客秋風一夜心久從都下別頻向夢中尋
山色明雙鬢蟬聲趁夕陰盈盈江海畔極目正蕭森

其三

磊落推吾子淹留滯歲華萬山初放雨斜日半籠花
蛩語秋聲苦鷗喧釣艇斜圖書數百卷隨意卽爲家

其四

世棄君平久悲歌一惘然十年山北舍數口浦南田
白髮常斟酒青山好放船舖糜余意足獨身下蒼煙

其五

黃葉漁人逕丹丘樵父舟家貧恒抱甕客到共登樓
水積鳧鷖淨亭空菡萏秋濯纓有餘興暮靄帶江流

其六

傳說新詩盛新詩老更高
神龍原天矯大海自波濤
菜甲銀絲芥冰盤水密桃
酒酣當月落能不念綈袍
蕭孟昉泊舟虎城招余同
方位白小飲卽席送

別二律

樹遶芳郊外舟停落炤前
春杯綠酒細野饌白魚鮮
客路千峰雨鶯聲三月天
旅懷兼握別一倍惜流年

其二

乍喜識君面相逢卽論心
沿江晴不斷背郭晝生陰
野塔當春暮溪雲度嶺深
醉餘風日好爛熳一沉吟

寓靈山宮十首

栖遲晴日好坐愛晚簾開
子晉吹笙去方平叱石來
花飛章貢水春到鬱孤臺
對此應無寐攜琴藉碧苔

其二

燭影搖花砌鐘聲破嶺煙
一天春又暮萬里客臨虔
神女雲鬟閣仙人乳竇泉
種松多琥珀蒼翠不知年

其三

靈山原舊址榕樹覆仙幡
俎豆衣裳古優伶朔望喧
洞雲春在眼山鶴晝鳴軒
余亦忘機者徘徊池上言

其四

橫浦無來信雙江有斷鴻
白雲栖棟宇紅日上崆峒
鷄犬曾霄外行藏一醉中
荷鋤沮溺叟應已萬緣空

其五

耿耿憶歸期東風兩鬢絲
小堂人坐起三月燕來時

暖日櫻桃綻輕寒梅豆遲
最憐官舍近披豁得吾師

其六

今夜西堂月輝輝只近人
山川踈故舊雲物送殘春
白葛裁衣薄黃精貯椀斫
誰能生羽翼汗漫出風塵

其七

聽鳥當春後鈎簾落炤餘
客懷千片雨歸夢一行書
碁響石枰外樽移蘿逕初
脩狀聊偃息只此是吾廬

其八

蓬萊遊稿 卷之二
三
梅花書屋
逶迤何處所信步鍊師房一逕松花發方潭荇草香
不知雲去住但見鳥飛翔好向蓬萊侶扶筇過石梁

其九

迢迢窮幽興盈盈見物華金庭流玉澗青島出丹花
揮塵吟邊月烹葵客裏家毛公寡塵事笑傲足煙霞

其十

旅情垂老盡鄉思隔年深綠水全依郭青山半入林
夜寒孤磬落雨細一燈沉搔首意何極遙聞空外音

泊舟萬安縣

晴光滿籬落倚杖立柴扉兩岸春帆度空江暮靄微
巖陰苔蘚合沙暖鵲鴿飛睥睨層層影樵人何處歸

旅次漫興

避世安浮梗窮途且異鄉英雄難一飯豺虎嘯千行
名豈吾儕貴情憐兒輩長勿嫌樽酒濁猶得號高陽

其二

無妨三徑鳥昨喜一林風梅豆沉沉綠櫻桃纂纂紅

山昏煙霧外人老亂離中採藥層崖去推頹頹阮公

其三

失路存微尙吾衰就薜蘿樓中峰背出雨後屐痕多
曲沼梨花雪深燈子夜歌恨人常不足懷抱滿江河

其四

白屋真能放青山不厭貧兵戈銷短髮花柳又殘春
方法瘦盤膾行藏折角巾登樓重矯首天北望星辰

題夏翁小像

我愛夏黃公皤狀七十翁逃名谷水外結屋苧城中
高柳搖衣碧濃花倚醉紅近來還抱膝未必老牆東

月炤琴聲

撫琴聊晚眺花鳥不知愁偶到無聲處天空雲亂流
光開萬山寂影入一簾幽何處堪招隱淮南桂樹秋

其二

遙夜銀河直淒涼懷舊吟山高仍漢月絃促亂琴心
風靜一絲續愁來萬木陰寒輝休浪炤何處是知音

懷楚中陳太虛

吾愛陳太虛才名衆不如懷中投白璧海上憶仙閭
短棹一江月行踪萬里書暫遊谷水畔時得訪巾車
其二

豈意三山客來登百尺樓雨餘啼鳥過人到落花稠
作賦凌司馬談禪學惠休遨游真爛熳逸興繞滄洲

其三

偶爾襟期合天涯但覩狀留君綠玉杖贈我白雲笈

琥珀長淮釀銀魚震澤鮮婆娑同一態狂醉酒樓前

其四

十九年來客三千里外人楚天高縹緲吳岫曲嶙峋
草色愁邊雨鶯啼夢裏春能無故鄉思搔首淚沾巾

其五

小憇勞相訊空庭夕炤微石榴沾露綻梁燕挾雛飛
白葛涼颺入明河列宿稀故人能念我沉寂坐漁磯

其六

青蓮翻廣莫白鳥陰扶桑已聽呼茅狗曾看叱石羊
吹簫乘夜月擊磬落玄霜羨汝赤城去凌風路正長

獨酌

蟬聲憑几外雨色捲簾中貧病詩偏得迂踈計未工
洩雲楊柳綠迎日槿花紅向晚煙光薄難堪酒盞空

和天石書屋雨坐

暝色虛堂映蛩吟仄砌幽一樽煙雨外兄弟此淹留
簾下亂黃葉燈前雙白頭那堪俱老大况復歲云秋

送別袁重其歸金閭

惜此深秋夜天涯別友生袖間三歲字匣底七星明
短褐存吾道長鑱奉母情空江涼雨歇相送一帆輕

遊馬跡山同恒修上人

迢遞空山裏蒼茫石路斜千林橫落日一澗出孤槎
野衲收松子飢鳥剝蘚花登臨重搔首何處赤城霞

開元寺

開元宮裏坐竟日此蕭閒植杖逢樵叟憑軒見遠山

亂松清客夢幽草炤人顏莫便臨風去斜陽未擬還
虔州西城外散步望崆峒

岩堯望不極疊嶂迴連天平楚收殘炤孤墟淡夕煙
空潭龍獨下暗谷虎交眠筇杖愁泥滑歸途一惘然

壽陳玉山

余遊武林去君值覽揆辰白髮難知已紅顏羨故人
兩深芳草榭燕舞落花塵爲問柯山路何如谷水濱

其二

曾爲彭澤吏還息漢陰機竹圃插環珮花臺爛舞衣
揮杯邀夜月清咏對斜暉莫忘平生約西山共采薇

其三

翳狀林木處見爾鹿皮冠吾黨推陳寔蒼生憶謝安
掃園青嶂出抱膝白雲寒醉眼乘鸞鶴雙雙天際看
與侯柅園兼懷鄒程村

鄒子蘭陵去侯生滬瀆留人吟此夜月夢度一歸舟
耳熱英雄色花明枕簟秋衆芳已搖落東望海雲收

其二

渚草猶佳色山禽更好音孤城亂葉下細雨一鐙深
籬落清鐘出梧桐碧殿陰二毛與汝並無使曉寒侵
施愚山少參周計百劉潤山丘慎清三司李同
李維饒暨余集陳伯璣園亭余倡花樓二韻

不辭今夕酒共喜故人家野壑水聲細虛簾燕影斜
春雲三畝竹小雨一亭花握手難爲別城頭起暮笳

其二

衝泥尋白社垂老戀滄洲曲徑數株柳停雲何處樓
君才皆吏隱吾道逐春鷗煙雨臨軒望平湖淡不流

虔州憶李維饒園亭小飲

小築楊雄宅蕭疎得我曹玉盤盛膾鯉羔酒漬櫻桃
何物催華髮平生一布袍虔南山色好只是念君勞
其二

石砌盤盤轉溪流曲曲殊雨收千嶂出花抱一亭孤
把酒開春幔論詩到老夫故人千里思或者不能無

送梁谿彭鴻叟

分袂忽千里飛鴻一路新
那堪今夕酒還對別離人
天地寒無色交情晚益親
停雲倘有扎矯首故園春

其二

才大終何益名高絕可憐
茂陵仍臥病彭澤乍歸田
衰髻多愁後孤帆長至前
相期意不盡折柳夕陽邊

懷董得仲

吾兄初度日正值上元時
畫幃圍花艷春盤膩燭遲

掃雲迎到客抱膝自題詩
舉案連簫管賓朋倒接籬

其二

獨掩一簾雪遙聽萬壑濤
林虛蒼鼠戲水漫白魚跳
樹色禪鐙靜鐘聲溪月高
花間春釀熟只是戀緜袍

其三

漸覺故人少東山得醉君
臺高偏受月亭翠不關雲
蒼峽簾鉤見飛泉木杪聞
十年招隱賦於此淨塵氛

其四

下帷常誦讀五十廣川家綠篠穿牆細紅梅壓徑斜
交情原磊落詞賦自光華况爾丹山鳳凌霄未有涯

與溫聞衣

每從蕭寺會見爾五言詩門掩疎花淨燈明夜雨遲
氣仍多磊落貧不計艱危濁酒猶堪醉飛揚恐後期

送錢子璧遊燕

萬里又言別京華我舊遊春歸猶積雪寒至著重裘
暮雨西山暗宮雲北闕流登臨無限意知爾思悠悠

其二

四海兵戈日依人復遠行客心千里亂旅夢一燈明
馬度金閭驛帆連鐵甕城計程初夏節已得到燕京

其三

錢子江東俊才名海內傳渡河新燕子把盞舊嬋娟
萬樹交春色孤蓬起暮煙故人同折柳惆悵艷陽天
初春同陳伯磯李維饒晚坐

辛苦一不樂江天客思遙春風到芳草晴色滿河橋

花氣平林密川光宿霧消未能諳世俗且復戀漁樵
人日同顧來玉堵子威夜飲

年光欣此日衰態更逢人寒勒梅花重愁添栢盞頻
凍煙融舊臘細雪裊新春坐久風簾亂貧交話益親
送朱喟方之新都

念爾不能寐旋歸又遠行家貧忘逆旅才大有逢迎
夏雨青梅熟炎風紫燕鳴到時同任昉爲我話離情

其二

經行原舊地鞍馬入雲端白嶽迎人立黃山到面寒
晴鶯五月暮春樹百花殘踪跡原難定遲君寄羽翰

登吳羗山高士菴同姚湘煙

獨上思無窮捫蘿扣遠公半窓含海日絕壁引江風
宿莽孤墟外荒煙古寺中吳羗曾避跡我意欲逃空

寓五石菴

草菴名五石萬竹落層陰短榻銷塵夢空潭靜客心
香燈當座寂細雨入簾深歷歷鳴清磬孤雲度遠岑

天竺山唐韜光駐錫于此

每欲搜遺跡携朋向此遊雲歸松影落人坐鳥聲幽
野徑千林晚空山五月秋昔曾聞卓錫今日歷丹丘

贈周釜山

僻地隱花房煙霞水部裝春風朱果落秋雨綠篁香
放眼一黃鶴鉤簾半括蒼盡消戎馬跡父老話農桑

其二

柳色淨溪邊溪聲合暮煙雲鬢歐冶廟冰瀑石門泉

頭白催兵甲花紅醉俸錢謝公遺跡在母愧昔人賢

其三

耽酒追陶令遊仙問葛洪鴉啼丹壑外吏散夕陽中
覓句燃官燭彈琴弄晚風歸田高臥穩春草五湖東

其四

聽鳥竹無數放衙春雨寒黃鸝鳴樹杪新月下雲端
吏隱同愚谷詩歌接建安風流賢太守獨對萬峰看

豫章遊稿 卷之二

三九 林在書屋



